

A MABUHI ALANG KANG CRISTO O MAMATAY ALANG KANG CRISTO?

❖ Si Cristo Gipataas Diha Kang Pablo (Filipos 1:10–20; 25–26))

- Nagmaya si Pablo sa mga pag-antos nga iyang giagian—ug daghan gayod kini (Colosas 1:24a; 2 Corinto 11:23–27).
- Dili siya nagmaya sa pag-antos mismo, kondili sa mga hinungdan nganong iyang giagian ang kalisdanan, usa niini mao ang kaayohan nga nadala niini ngadto sa iglesia ni Cristo (Colosas 1:24b; 2 Corinto 11:28).
- Pinaagi sa pagsundog kang Jesus sa pag-antos—ug bisan sa kamatayon—si Cristo gipataas diha kang Pablo (Filipos 1:20).
- Sa iyang sulat ngadto sa mga taga-Filipos, gipatin-aw ni Pablo nga sa karon, wala niya gilauman nga ipataas niya si Jesus pinaagi sa kamatayon, kondili naglaum siya, pinaagi sa mga pag-ampo sa iglesia ug sa buhat sa Balaang Espiritu, nga pagabuhi-on siya aron magpadayon sa pag-alagad kang Cristo pinaagi sa iyang kinabuhi (Filipos 1:19; 25–26).
- Tungod kay ang dautan nagahari sa atong kalibutan, ang pagkinabuhi sama sa kinabuhi ni Cristo kasagaran naglakip sa pag-antos, ug sa pipila ka kahimtangan, mamatay usab sama sa kamatayon ni Cristo (2 Timoteo 3:12).).

❖ Mabuhi o Mamatay Alang Kang Cristo (Filipos 1:21–22))

- Ang ugat sa tanang pag-antos anaa sa kosmikong gubat nga nagpadayon karon—tali sa maayo ug daotan, tali kang Cristo ug Satanas.
- Kini usa ka espirituhanong gubat, ug kinahanglan awayon gamit ang espirituhanong mga hinagiban. Ang mga sumusunod sa kaaway naggamit og dili angay nga mga hinagiban batok sa mga Kristohanon (kasinungalingan, kritisismo, pressure sa kauban, ug uban pa).
- Apan kita naggamit og mga hinagiban sama sa kamatuoran ug hustisya (2 Corinto 6:4–7)—kusgan nga mga hinagiban sa pagguba sa mga “kuta” (2 Corinto 10:3–5).
- Apan kon sa gubat ang resulta mao ang kamatayon sa matarung, unsa man? Sumala kang Pablo, kini dili kapildihan, kondili kapuslanan (Filipos 1:21).
- Alang sa mga matinud-anon kang Cristo, ang kamatayon nagbutang kanato labaw sa maabot sa kaaway ug naghatag kahupayan gikan sa tanang pag-antos (Proverbio 14:32; Isaias 57:1).).

❖ Ang Duha ka Kapilian ni Pablo (Paul’s Dichotomy) (Filipos 1:23–24))

- Bisana pa nga dili dayon makadesisyon si Pablo, nalibog siya tali sa duha ka kapilian (Filipos 1:23–24): Mobyu ug makig-uban kang Cristo; o, Magpabilin aron makabenepisyo ang iglesia.
- Kon kuhaon kining teksto nga bulag sa ubang teksto sa Biblia, mahimo natong hunahunaon nga nagtudlo si Pablo nga sa dihang mamatay ang tawo, dayon siyang mosaka sa Langit aron makig-uban kang Jesus, nga mosupak sa ubang mga bersikulo sa Kasulatan (Eclesiastes 9:5; Salmo 6:5).
- Apan sa maong sulat gihapon ngadto sa mga taga-Filipos, giingon ni Pablo nga aron mahimong hingpit nga uban kang Cristo, kinahanglan pa hulaton ang panahon sa pagkabanhaw (Filipos 3:8–11).
- Sa laing higayon, gitandi ni Pablo ang lawas sa usa ka tolda nga pagagub-on (mamatay) aron masul-oban sa pagka-imortalidad (2 Corinto 5:1–4). Apan iyang gipatin-aw nga kining pagsul-ob sa pagka-imortalidad mahitabo sa Ikaduhang Pagbalik ni Cristo, ug dili dayon sa takna sa kamatayon (1 Corinto 15:42; 51–54).).

B UNSA MAN ANG KAHULUGAN SA PAGKINABUHI ALANG KANG CRISTO?

❖ Magpamatasan sa paagi nga angay sa Ebanghelyo (Filipos 1:27a)

- Ang pulong nga “inyong pamatasan” mao ang hubad sa Griego nga politeuomai, nga nagpasabot “pagkinabuhi isip mga lungsoranon.” Gidasig ni Pablo ang mga taga-Filipos (ug kitang tanan) nga magpamatasan sa paagi nga angay sa mga lungsoranon sa Langit (Filipos 3:20). Sa Wali didto sa Bukid, gitudloan kita ni Jesus kon unsaon pagkinabuhi sa mga lungsoranon sa Langit.
- Gigamit ni Pablo kining tambag isip pasiuna sa usa ka topiko nga dako kaayo og bili alang kaniya: ang panaghiusa sa iglesia.
- Nasayod siya nga ang kawalay panaghiusa kasagaran motungha tungod sa garbo ug dili angay nga pamatasan sa usa’g usa. Busa, gidasig niya kita nga magpamatasan sa husto, matinahuron, ug may dignidad nga paagi..

❖ Makig-away nga Magkahiusa alang sa Ebanghelyo (Filipos 1:27b–30)

- Ang pagkamatarung ug pagkamatarong dili nagpasabot nga ang kinabuhi walay panagbangi (Filipos 1:30). Sa kasukwahi, bisan si Job, nga gipahayag sa Dios nga “walay ikasaway ug matarung, mahadlok sa Dios ug molikay sa dautan” (Job 1:8), miatubang sa makalilisang nga panagbangi—buhat sa kaaway.
- Sa gubat nga atong giatubang, dako kaayo ang papel sa panaghiusa. Gidasig ni Pablo ang iglesia nga makig-away nga magkahiusa aron panalipdan ang ebanghelyo (Filipos 1:27b).
- Kining panaghiusa sa katuyoan kinahanglan ipares sa pag-ampo ug pagtuon sa Pulong sa Dios (Efeso 6:18; Filipos 2:16).
- Sa dihang moatubang kita sa panagbangi batok sa dautan, dili kita angay mahadlok sa mga mosupak kanato (Filipos 1:28). Hinumdumi nato nga napildi na si Satanas, kay si Cristo nagdaog na sa gubat didto sa krus (Lucas 10:18; Colosas 2:15)..